



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

21. Adducitur opinio affirmativa. Ex p. 12. t. 1. r. 21.

[urn:nbn:de:hbz:466:1-76369](https://nbn-resolving.de/urn:nbn:de:hbz:466:1-76369)

ac diuersum à sacerdotali. Et negatiuam sententiam tener Diuus Thomas in 4. distinct. 24. quæst. 3. artic. 2. Sotus quæst. 2. articul. 3. & ceteri Thomistæ. Vnus tantum subdubit. Caïetanus tom. I. Opusc. tract. 11. Idem docet Bonaventura in 4. distinct. 24. articul. 4. quæst. 3. Aureol. artic. 2. Argent. artic. 4. quibus addit ex Neotericiis Franciscum Amicum inclutum. Authorum ex præstantissima Societate Iesu, quæ tempore ferax Doctorum virorum fuit, in Cursu Theologico tom. 7. disp. 7. sect. 9. num. 98. Probatur, ait ipse primò ex Augustino in questionibus veteris, & non ieiamicis, cap. 10. *Quid est?* (inquit) *Episcopus*, nisi primus Presbyter, hoc est summus Sacerdos? idque colligit ex Apostolo 1. ad Timoth. 3; vbi præmice loquitur de Episcopis, & Presbyteris. Et Ambrosius in Epist. ad Epescos 4. vbi ex eo, quod Apostolus Timotheum à se creatum Presbyterum, vocat Episcopum, probat, primos Presbyteros vocatos fuisse Episcopos. Denim concludit, non ordine, sed merito Episcopum vocati.

2. Secundò, si Episcopatus characterem imprimit, non septem, sed octo forent ordines contra Ecclesiæ sensum.

3. Tertiò, omnes ordines referunt ad Eucaristiam, & penes diuersos actus ab illa distinguuntur. Cum igitur Episcopatus, nec sit sacerdotali inferior, cum non subseruat sacerdoti, nec sacerdotali superior, quia summa potestas, qua per ordines datur, est confidere Corpus Christi, in qua Sacerdos est aequalis Episcopo; & licet Episcopatus superaddat potestatem iurisdictionis, non penes illam sumitur diuindicatio ordinum aliqui etiam Papatus est distinguitus Ordo. Quod autem Episcopatus superaddat speciali potestatem conferendi Chrisma, factosque Ordines, quos simplex Sacerdos non potest, non arguit nouum characterem à sacerdotali distinctione; sed moraliter dumtaxat extensionem prioris ad eos actus validè exercendos: etenim cum character non sit physica, sed moralis potestas ad actus ordinis exercendos, potuit ex institutione Dei character sacerdotalis ad ea tantum restringi, quæ per se solum conductum ad legitimam Christi Corporis consecrationem: quia igitur Chrisma, & Ordines conferre, per se non conseruant ad legitimam potestatem confidendi Corpus Christi, potuit Deus Sacerdotalem characterem ita limitare, vt non nisi accedente Episcopali potestate, quæ est sola potestas dignitatis, & iurisdictionis, ad eos actus extendere: Sic enim saluator quo pacto Episcopus non sit distinctus Ordo, & simplex Sacerdos non valeat factos Ordines conferre; quia licet character physice sit idem, non est tamen idem moraliter, eo quod Deus illum limitavit, vt non nisi in Episcopo haberet actum secundum conferendi Ordines ministrandi Sacramentum Confirmationis. Et hanc sententiam præter amicum tener etiam Sanchez in Opusc. tom. 3. lib. 7. cap. 1. dub. 9. num. 5. & dub. 2. num. 21. Sylvester & Sotus quo- citat, & sequitur Vitaldus in Candel. tract. de Ordine alientes per ordinationem Episcopi, non imprimi Episcopo nouum characterem; sed solum perfici etendi, & dilatari characterem sacerdotalem praecurrentem ad ordinandum, & confirmandum, in qua designatione consistit potestas Episcopalis. Sed non delinam hic apponere verba Magistri Candidi tom. 4. disput. 4. articul. 1. dub. 6. vbi sic ait: [Licit non est Episcopo in sua consecratione noua potestas realiter distincta à sacerdotali, tamen eadem extenditur realiter per nouum modum realem, quem antea non habebat character sacerdotalis, qui nihil aliud est, quam quadam realis ordinatio, ad effectum alios ordinandi, & confirmandi: quæ Ordini Presbytera-

tus superadditur; quæ quidem non est nouus character, sed noua perfectio eiusdem characteris sacerdotalis, modus quidem illius indelebilis; & non iterabilis, quia non est sola deputatio moralis, sed physica, & realis ordinatio.] Idem etiam docent Nugnus tom. 2. quæst. 40. articul. 5. difficult. ad 3. argument. & Bonacina de Sacramento Ordinis, disputat. 7. numero 6. Sed Pater Amicus vbi supra, numero 304. putat improbatum opinionem assertentium, quod eti Episcopatus non addat nouum characterem, modificat tamen & perfectit priorem: nam cum character sit qualitas, non videtur qua ratione possit perfici, & modificari, nisi per additionem noui gradus: porrò noui gradus, additus priori non potest subiectum perficiere, nisi in ordine ad ea, ad quæ subiectum vi præcedentis gradus erit ordinatum; quia cum gradus sint homogenei subiectum perficiunt in ordine ad eundem terminum, si vero character est indivisibilis, non sufficiens intentionem, minus probabiliter dicitur unus modificari per alium, sed potius uterque diuersum constitueret characterem. Notat vero Vasquez tom. 3. in 3. part. disp. 240. cap. 5. & disp. 140. cap. 5. & disp. 239. cap. 6. docere in ordinatione Episcopi, nec imprimi bonum characterem, nec extendi characterem sacerdotalem præexistentem, sed designari diuina designatione, talen characterem ad ordinandum, & confirmandum, in qua designatione consistit potestas Episcopalis.

RESOL. XXI.

Adducitur opinio affirmativa. Ex part. 12. tractat. 1.
Resol. 21.

¶ 1. **H**is tamen non obstantibus alij firmant Consecrationem Episcopalem infundere nouum characterem à charactere sacerdotali distinctionem. Ratio est primò, quia Consecratio Episcopi est vera Ordinatio sacra, & distincta, vt pote solemnior, & superior Ordinatione Sacerdotis, vt definit Concilium Tridentinum, sess. 23. cap. 4. & Canonicorum 6. At omnis Ordinatio facta est vere, & propriæ Sacramentum Ordinis, & distincta realiter ab Ordinatione Sacerdotis. Tunc sic; sed Sacramentum Ordinis imprimi characterem, vt definit idem Concilium Tridentinum loco citato, Canonicorum 4. Ergo Consecratio, seu Ordinatio Episcopi imprimi Characterem, & distinctum à charactere Sacerdotali.

2. Secundò, quia potestas, quæ tribuitur Episcopo, est distincta in specie ab illa, quæ tribuitur Sacerdoti per suam Ordinationem: ergo non possunt esse una in specie qualitas, unus in specie character. Consequentia patet: antecedens vero probatur, quia potestas Sacerdotialis & Episcopalis relipciunt obiecta specie distincta: illa enim habet pro obiecto consecrare Corpus Christi; hæc vero confirmare, & ordinare: ergo non sunt una qualitas, sed diuersæ.

3. Tertiò, contra ultimum dicendi modum sic arguo: Nam per ordinationem Episcopi, datu ei potestas, tam ad ordinandum, quam ad confirmandum, at hæc nequit esse duplex, sed unica, cum per unicam detur ordinationem! ergo unicus character seu unica potestas ad ordinandum, & confirmandum. Et hæc omnia docet Leander de Sacrament. tom. 2. tractat. 6. disputat. 1. quæst. 12. qui citat Biefcany Marchinum, Hurradum, & Petrum à sancto Joseph, quibus ego addo Auerfan de Sacrament. Ordinis, quæst. 1. sect. 7. Campilenem in diuers. Iur. Can. rubr. 6. cap. 4. num. 4. & Gerundam de Episc. tom. 2. lib. 8. disp. 8. cap. 1. num. 4. & alios.

Tom. IV.

E e

4. Nec

* Nec supradictis obstat afferere cum Amico, vbi supra numero 101. quod si Episcopatus imprimetur distinctum characterem, sequeretur posse aliquem fieri Episcopum, antequam fieret Sacerdos, & exercere quidquid Sacerdos potest, siquidem Ordo superior non penderet, vt suum imprimat characterem ab inferiore: nam posset quis suscipere sacerdotium absque Diaconatu, & validè exercere quicquid Diaconus, & Sacerdos potest, quia Ordo superior virute continet inferiorem. Cum igitur character Episcopalis non possit esse Sacerdotali inferior, erit illo superior, adeoque poterit quidquid potest character sacerdotalis. Non inquam haec obstant, nam respondeo cum Mattinon. de Sacram. tom. 2. idisput. 66. sed. 3. num. 39. in ordinatione Episcopi imprimi characterem: neque tamen fore propterea, vt effectum sortiretur in eo, qui non est Sacerdos; neque protestem illi confert ad consecrandum Corpus, & Sanguinem Christi. Sicut reliqua Sacraenta praesupponunt Baptismum, sine quo validè conferri nequeant. Ita probabilius est: iuxta communem Theologorum sensum characterem Episcopalem praesupponere sacerdotalem, & sine illo praesupposito conferri non posse. Quamuis autem character Episcopalis sit superior sacerdotali, non propterea debet illum includere, aut illius vim habere. Neque enim semper vim disparatorm, quamvis nobilium, includit aliud, aut vim illius habet. Ut calor est nobilior humiditate, quam tamen non includit, nec illius vim habet. Quin etiam character non est potestas; vt alibi ostendimus; sed nota quædam indebilis, & insigne aliquius status per Sacramentum collati. Sicque character Episcopalis est dumtaxat insigne ordinis Episcopalis, & status illius pecularis, eminentis supra statum simplicium sacerdotum. Et haec sunt pugnantes sententiae circa præsentem satis arduam difficultatem, quas ego puto omnes quidem probabiles. Dico igitur, quod Episcopalis consecratio imprimat characterem, sive addendo nouum, sive augendo veterem (propter variae opiniones sunt) & confert duas potestates, unam confirmandi, & alteram ordinandi, eaque indecibiles; unde neque repetere licet, vt agnoscit S. Aug. lib. 2. contra Parmen. c. 13. & lib. 1. de Baptism. contra Donatist. cap. 1. ergo ordinatio Episcopalis est verus Ordo, & Sacramentum. Vnde Marchant. in Tribun. Sacram. tom. 3. tractau. 7. tit. 1. quaf. 2. concl. 2. sic ait: [An verid. ordo Episcopalis characterem separatum a sacerdotali imprimat, & an duplex Ordo assignandus sit sacerdotalis, & Episcopalis? Respondeo absque disputatione, Characteri sacerdotali saltem aliquod augmentum aduenire per ordinacionem Episcopalem, sive fiat per intentionem, & ampliationem in sua entitate, sive per virtutis noua acquisitionem: sufficit enim, quod ad effectus plures, & maiores intelligatur potendi. Nec errauerit, si sub ordine uno generico duas velut species, quarum altera, alteram praesupponat, assignet; aut duos gradus eiusdem Ordinis, quorum etiam ab intrinseco posterior priore perfectior, & excellentior sit.] Ita ille. Itaque bona pace Patis Amici inter præstantissimos Theologos Societas celeberrimi affero sententias superius positas suam habere probabilitatem.

RESOL. XXII.

Quando in Consecratione Episcopali imprimatur Character?

Et quid, si Episcopus moriatur in medio, v. g. Consecrationis?

Sed difficultas est, supposita opinione Doctorum affirmantium in Consecratione Episcopi dari plures materias & formas partiales substantialiter necessarias, quando imprimatur Character, & conferatur gratia?

Et si in Consecratione Episcopus moretur ante caput omnes partiales materias, in tali causa acciperet partiam gratiam correspondentem partiali materia, ab Episcopo recepta?

Et afferitur in Sacram. Exarēma-vñctōnis in singulis vñctōnibus partiale gratiam conferri. Ex part. 1. tract. 1. Resol. 22.

§. 1. **A** Liqui afferunt characterem, imprimi in vñctōne capitis ex Chrismate. Sed hoc non est verum, vt patet ex cap. unic. de sacra Unione; vbi habetur, quod si hoc omittatur, non ictetur, sed suppleatur. Vnde dicendum est characterem imprimi, quando consecratur, & assistentes Episcopi manus imponunt super caput consecrandi in Episcopum, dicuntque, vt haberet in Pontificali, Accipe Spiritum sanctum; & sic colligitur ex cap. Episcop., dist. 23. Sic Sylvestris verbo Ordo 2. questione 4. fin. Angelus verbo Ordo numero 7. fin. Taberna Ordo 1. quaf. 13. Atmili. verbo Ordo numero 11. quibus adde Sanctus in Opus. tom. 2. lib. 7. capite 1. dist. 12. numero 22.

2. Sed difficultas est supposita opinione Doctorum affirmantium in consecratione dari plures materias & formas partiales substantialiter necessarias. Difficultas est (inquam) quando imprimatur character, & conferatur gratia? Hoc dubium refolum inueniendum apud Hallier de sacris electionibus part. cap. 2. arr. 1. §. 13. num. 30. vbi ponit hoc argumentum. Si impositio manuum est materia ordinationis, eaque adeo efficax, vt gratiam producat, ne frustra videatur Episcopos dicere, Accipe Spiritum sanctum, quod ex Tridentino docuius, certe Reformatione illa manus impositione, videtur perfectum esse Sacramentum: nam Sacramentum gratiam non producit, nisi perfectum; proindeque sequens liber Euangeliorum traditio gratiam non confert. Confirmatur: nam manus impositio gratiam producit, vt Scriptura facit, Patres, ac Concilia superius innuit: vel ergo collatio libri Euangeliorum producit gratiam, vel non, si producit; bis ergo gratia Episcopalis Ordinis, non autem semel confertur, quod gratia, & sine fundamento dicitur: Si non producit, nulla ratio videtur suadere hanc electi partem, aut materiam Sacramenti, quippe cum materia cuiuscumque Sacramenti, verbi gratia, aqua in Baptismo, Oleo in Confirmatione, & sic de ceteris, gratia producit tribuat. Ita Hallier, qui postea huic argumento sic satisfacit: Respondemus vnumque esse probabile, & quod manus impositio non statim producat gratiam, nisi postquam porreducatur liber Euangeliorum, quo porrecto tam gratia quam character Episcopalis (sive nouus sit, sive extensus Presbyteralis) producantur vi non solum impositionis manuum, verum etiam porrectionis libri Euangeliorum. Nam quia parum temporis fluit inter applicatum utramque istam materiam, priori effectus recte tribuitur, et si, nonnisi posteriorē secura, producatur: eo modo quo si triina immersione Baptismus conferatur, non ultima tantum immersioni, verum etiam prima tribuitur gratia Baptismalis, quamvis non nisi post ultimam producatur sit, potest etiam è contrario dici, quod per impositionem manuum producatur gratia Episcopalis, & postea per portationem libri Euangeliorum potestas Ordinis Episcopalis, seu character conferatur, adeo vt nempe producatur